

Das ein vnd zwanzigst Capitel.

Von Einsidleren / Heyligen / Seligen vnd dan-
ne etlichen anderen hochberümpften / fürtrefflichen Leu-
hten / so an disem See / oder denen an selbigen stossenden
Drihen vnd Landtschafften / gewohnet
haben.

LS ist in keinen zweiffel zusehe / es werden / nach demte der Christen
liche / Catholische Glauben in disere Landt / durch den heiligen
Beaten / den ersten Schweizerischen Apostlen geprediget vnd
gepflanzet worden / vmb diseren See vil Frommer / Gott seliger /
ja wol auch heiliger Leuthen gewohnet haben / vnd obwohlen wir /
in diser armseligen Welt / von deroselbigen Stammen / Namen / heil-
ligen Wercken / Thun vnd Lassen / wenig Berichts haben / sindt sie
doch gewisslich / in jenner Welt / in der Chronica des ewigen Lebens /
eingeschriben vnd verzeichnet / wann aber ich / etwas wenig schreibe
soll / so nicht allein vns / sonder gleichsamb aller Welt kundbahr / muß
ich erstlichen den Anfang machen / bey dem obgemelten heiligen Beato
einem gebornen Engelländer / der zuvor Suetonius geheissen / dann ob-
wohlen derselbige / sein Leben / nicht an disem See / oder denen daran
geläggen Drihen / sonderen zu Interlac oder Undersewen in der Her-
schafften Bern / nach dem er daselbsten / den vngewehren Tracken ver-
triben / mit seinem getrewesten Jünger oder Gesellen Achate / zu End ge-
bracht / so ist doch kundbahr (wie in seiner Lebens Beschreibung / weit-
leüffig zu sehen) daß er meistensheil in dem Ergöw / worinn auch Luc-
ern vnd Underwalden begriffen / geprediget / vnd die Lehr Christi
aufgebreitet / so ist auch sein Heilighumb Anno 1558. nach Lucern kom-
men / vnd transferiert worden / deswegen ich ihne / in diser meiner Be-
schreibung nicht vbergehen sollen. Besiße Hein. Murcerum in Heluetia
Sancta.